

Minister Otmar Oduber:

“Ley di single use plastic” ta wordo pasa awe pa Parlamento

ORANJESTAD (AAN)

— Minister di Infraestructura, Medio Ambiente y Desaroyo Teritorial, den conferencia di prensa di gobierno, dialuna 18 di November, a expresa cu awe tambe ta un dia hopi


importante pa Aruba.

Esaki pa motibo cu Parlamento lo pasa un ley nobo cu ta e asina yama “Ley di single use plastic” cu ta un ley di cual a papia hopi tempo riba dje, unda hopi combersacion a wordo

hiba cu e stakeholders.

Siman pasa a sinta cu e asociacion grandi di comerciantenan cu ta bende diferente di e productonan aki na Aruba, y incluso prome cu e ley a wordo trata mayoria di nos co-

munidad ya caba a adapta y na hopi lugar a stop e uso di pijp, cups di plastic y foam, y a cumenza importa alternativanan conforme e ley, pero tin cu ainda no ta compronde e ley completamente, pero



si por mira un intento hopi grandi pa uza materia bio-degradable, cu den e ley ta wordo specifica miho. E mandatario a splica cu tin productonan bio-degradable pero cu ta dura cinco of diez aña y esey no ta e idea.

Lo tin especificacionnan di loke kier logra pa Aruba na beneficio di nos medio ambiente.

Minister Otmar Oduber a expresa cu e gobierno aki ta tuma tur e pasonan pa salvaguardia Aruba su naturaleza, su flora, su fauna y du medio ambiente en general.

El a reitera cu diferente paso ta wordo tuma manera “built in nature” y e maneho cu awo a drenta na vigor.

Telefonnan
di DIARIO
Tel: 582 6747
Fax: 582 8551